

讀書圖

卷四

意見書

林傳甲

民國七年七月一日

大總統鈞鑒竊聞損下益上其象為損損上益下其象為益是以天地交泰
天地不交否我

大總統手建共和於民國紀元之先再造共和於洪憲紀元之後人心思治

否極泰來我

大總統以起義之元勳膺元首之重任與美利堅之華盛頓相同國人皆以

華盛頓待我

大總統實無異於國父彼袁氏依前清之末光為帝制之閥統不足比也我
大總統自繼任以來一切袁氏苛法剷除殆盡惟袁氏損下益上自私自利
者尚有一事未及改良夫世界最富之國莫若美利堅自華盛頓以來
大總統年俸祇美金七萬五千元僅合中國十五萬元袁氏在位月俸

四萬元年計四十八萬元比之美國加三倍有奇於是議員官員之俸亦因之而增內則加稅以斂怨外則借債而喪失國權國立學校尚未盡舉教育部恆以無款為辭雖以武昌起義之名區南京為共和之開始廣州與各國通商最早人才薈萃升學者多擬設國立大學籌畫四五年總長屢易至十餘人之多猶未嘗開辦無非以國庫無款藉口查

大學校令國立大學由國家經費支出之中國雖貧如果我

大總統以華盛頓為法年俸如美國之例儘可足用節存國家經費每年三

十三萬元武昌南京廣州三大學校每處有常年經費十萬元不難同

時開辦咸底於成 公民素知我

大總統持躬廉讓熱心興學今年北京私立新華商業專門學校募捐仰蒙

惠助三千元不至中輟凡屬教育界實業界罔不感戴然其事如子產之
乘輿濟人其數如孟子所謂車薪杯水北京國立專門學校農工並峙
商業缺如私立新華庶幾鼎足邇來學風趨重法政學生習實業者又
鮮有完善之學校儻蒙每年補助新華商業學校三萬元始終維持可
以百世不敝哉

大總統既以國家經費辦理國立大學大公無私之心昭示於天下國會議員為國民代表亦必各具天良昔袁氏以歲俸六千元羈縻議員開院以來對於國利民福之事毫無補益各省公立專門學校不過一二法政其餘農工商專門學校辦理寥寥國家既不以國立學校為事於是省立中等學校縣立高等小學校城鎮鄉立國民學校皆不能積極進

行如果國會議員注意國立學校則各議員年俸比較日本初次議員
歲僅二十元每人可節存四十元雖邊遠省分如新疆吉林黑龍江每
年亦可得八萬元辦一專門學校其他議員人多之處更可辦理專門
學校兩三處一轉移間二十二省皆有國立專門學校省議會必注意
於省立之學校縣議會必注意於縣立之學校城鎮鄉議會必注意於

城鎮鄉立之學校教育普及不待強迫國民所仰望者實惟

大總統一人吾國患貧患弱東西洋良法美意未能實行如果國立大學專

門各處則歐美畢業各生亦不至投間置散密圖破壞他日中國之富

比諸美國中國之強比諸日本千秋萬世謳歌國父者民不能忘惟

大總統實圖利之敬頌

鈞安伏祈

垂鑒

公民林傳甲謹上書



中華民國五年十一月日